



Guia

Sekshon
Dispensashon pa plak e glas di vehíkulonon



0. Introdukshon

Den kuadro di e promoshon di bon kalidat di output dor di UOVV ta nesario pa stipulá den un dokumento maneho tokante di dunamentu di eksonerashon pa plak e glas dilanti di vehíkulonon.

1. Wegenverkeersverordening 2000

Den e Wegenverkeersverordening 2000 (WVV) nos a inklui normanan di komportashon pa shofurnan i otro partisipante den tráfiko. In konekshon ku e glasnan di vehíkulonon límitenan pa pone material riba glas di vehíkulo ta bálido di akuerdo ku artíkulo 88, promé insiso, sekshon c, sub 2,3 i 4.

Artíkulo 88, promé insiso, sekshon c, sub 2,3, i 4 WVV:

c). *Glasnan*

2). *ta prohibí pa plak material riba e winshil;*

3). *ta prohibí pa plak material ku ta reflehá òf blèndu, riba e glas drechi i robes dilanti, e glas patras i e glas drechi i robes patras;*

4). *ta permití pa plak material riba e glas drechi i robes dilanti kon tal ku 70% di lus por drenta e vehíkulo.*

E artíkulonon menshoná ta indiká ku en konekshon ku e glas drechi i robes dilanti ta mantené un eksepsion riba e norma (mester tin 70% lus den e vehíkulo). Ta prohibí pa plak material riba e winshil, e glas patras, e glas drechi i robes dilanti i e glas drechi i robes patras.

Den Artíkulo 121 WVV Ministerio di Tráfiko, Transporte i Planifikashon Urbano a inklui e posibilidat pa e suidano haña eksonerashon di e prohibishon en virtud di artíkulo 88, promé insiso, sekshon c sub 2 i 3 WVV.

Básikamente Ministerio di VVRP tin libertat di maneho in konekshon ku e evaluashon di petishonnan pa eksonerashon. Sin embargo, den kuadro di siguridat den tráfiko, a pone límite riba material riba winshil, e glas patras, e glas drechi i robes dilanti i e glas drechi i robes patras. Pa e motibu aki un grupo limitá den komunidat por haña dispensashon.

3). Maneho en konekshon ku dispensashon

Ta duna eksonerashon solamente pa siguiente motibunon:

a). rekomendashon médiko serio (di karakter permanente)

b). investigashonnan

c). seguridat di dignatarionan i mandatarionan nashonal i internashonal

d). tarea di seguridat di Veiligheidsdienst Curacao (VDC)



3.1) Kontenido di petishon pa dispensashon

- 1). Nòmber di petishonario (persona natural)
- 2). Nòmber di organisashon (Korps Politie, VDC)
- 3). Funshon di e persona konserní (Miembro di Staten, Minister, kònsul)
- 4). Keuringskaart
- 5). Prueba di pago di impuesto di vehíkulo motorisá
- 6). Kopia di pólisa di seguro
- 7). Den kaso médiko, karta di dòkter i rekomendashon di Stichting Arbo Consult, si e ta konserní e promé petishon. Si e ta konserní un petishon di nobo, e deklarashon di dòkter ta suficiente.

Si e petishonario no ta kai bou di grupo 2 i 3, e petishonario riba promé petishon mester entrega un petishon a base di motibunan médiko serio (di karakter permanente). Un deklarashon di e speshalista i di Arbo Consult ta nesesario.

Paga tinu: Suidadanonan por bini na remarke pa dispensashon solamente despues di un rekomendashon médiko. En konekshon ku grupo 2 i 3 e petishonario mester entrega un deklarashon di Ministerio di Hustisia i di VDC.

3.2). Durashon

Ta duna eksonerashon pa un periodo di un aña máksimo. Ora e fecha kaduká, e petishonario por entrega un petishon nobo.

Formulario

- a). Modèl di e Desishon Ministerial pa permití eksonerashon pa motibunan médiko serio;
- b). Modèl di e Desishon Ministerial na benefisio di dignatarionan i mandatarionan nashonal i internashonal;
- c). Modèl di e Desishon Ministerial na benefisio di e tareanan di seguridat di Veiligheidsdienst Curacao;
- e). Modèl di e Desishon Ministerial ku ta kontené un rechaso di e petishon pa haña dispensashon.